

IsiNdebele

Izinga le-

5A

Isithomo esitjha



Kedibone Tladi



Yenza isiqiniseko sokobana ungakghona ukufunda amagama alandelako

(na)namhlanje, emhlophe, athloga, kabathlogako, atshwenya, unongorwana, limugogodlha, esihlwengisa, ukungathandwa -mimikghwa (unemikghwa, imikghwa, nemikghwa)

Isithomo esitjha

IsiNdebele

Izinga le-5A

ISBN: 978-1-77981-604-7

© 2023 Ulwazi Lwethu African Languages Literacy Project

Umtloli: Kedibone Tladi

Utlolikabutjha: Vusi Mtsweni

Umdwebi: Moses Dhladhla

Ukuthama nokuhlela: Rock Bottom Graphic & Design

Ikhutshwe kokuthoma ngee-2023.

Isithomo esitjha



Kedibone Tladi

USifiso msana olelesako. Uneminyaka 14
ubudala. Lihlongandlebe. Unemikghwa
emimbi. UNom. Masilela nguyise kaSifiso.
Akazi bonyana enzeni kwanjesi.





“Sifiso, wenzeni okhunye namhlanje?”
kukhalima uyise kaSifiso.

“Umsana lo uzongibangela ubulwele
behliziyo. Ngidiniwe nguye.”

Abahlali bakwaHlanga nabo besele badiniwe mimikghwa yakhe. BekunguSifiso la, kunguSifiso nalapha. Wabe eba amaqanda neenkukhu zawo. Bekungekho okumdlulako.





Wabe anomthelela omubi ebanganini bakhe. Kwabe kunguye obangela bonyana benze izinto ezimbi. Wabe athelisa nabanye abantwana. Wabe atshwenya okubabazekako.

Ngobunye ubusuku, ngesikhathi abantu balele, wanyonyoba waphuma ngebadi langemuva. Abangani bakhe babe bamlindele ngaphasi komuthi.





USifiso nabangani bakhe baphula isango lesibaya. Kwaba buyaluyalu esibayeni. Babe bafuna ukweba bebathengise imbuzi emhlophe.

Abesana laba bakhetha imbuzi emhlophe.
Imbuzi yabalekela emuva ngesibayeni.
Abesana bakhokha umoya, ngemva
kwalapho balinga godu. Batjhelela bawa.
Bavuka bagijimisa imbuzi.





Ngombana isango lesibaya laliphukile, iimbuzi zaqhula abesana bawela phasi, zona zeqa zaphuma. Zagijimela esimini yesiphila kwamakhelwana. Kwakubuyaluyalu esimini.

Abesana balinga ukuvimba iimbuzi kodwana babhalelwa. Bakwazi ukubamba imbuzi emhlophe bayifihla.

Bayifihla ekoloyini edala bonyana ingakwazi ukubaleka.





Uyise kaSifiso nakavukako wafumana isibaya sikhamisile neembuzi zingekho. Wajama esangweni lesibaya eliphukileko adane kwamambala. Wabe asazi kuhle bonyana ngubani owenze isenzo lesi.

USifiso wathi nakabona bonyana uyise udane kangangani, wazisola ngesenzo sakhe, bese wakhamba wayokuthatha imbuzi emhlophe. Wabawa ukulitjalelwa nguyise bewathembisa bonyana uzakulungisa ubutjhapho bakhe.





Abesaba bakhamba bayokufuna ezinye
iimbuzi ezibalekileko phezu kwentaba.
Bazithola, baziraga babuyela nazo ekhaya.

Nabafika ekhaya, balungisa isibaya. Ngemva kwalapho baraga iimbuzi bazingenisa ngesibayeni.





USifiso wabe athoga amano wokulungisa imikghwa yakhe emphakathini. Ukungathandwa babantu kwabe kungamthabisi. Waba neqhinga lokubuthela abangani bemphakathini wakhe.


Wabatjela ngeqhinga lakhe lokuthoma isiqhema selutjha esihlwengisa emphakathini. Ngaphezulu kwalokho bathoma nehlelo lengadi yemirrorho. Banikela imirrorho kabathlogako neentandani.





Kwabathabisa khulu lokhu emphakathini bebanikela nangamathulusi. Iinqhema ezinengi zokusiza zasungulwa, ilutjha lasiza nemakhayeni wabadala.

USifiso wasebenzisa isikhathi sakhe esinengi nelutjha. Wabe abakhuthaza ngemikghwa emihle. USifiso wathola unongorwana wokuba mrholi ophambili welutjha emnyakeni ogadungileko.





USifiso nawo woke umphakathi bathabela unongorwana nemikghwa yakhe etjhugulukileko.

USifiso waba sibonelo esihle elutjheni.

Ihlelo elithonywe nguSifiso lisaraga nanamhlanje. Ilutjha elinye nelinye liyakhula bese litjhidela elinye elizakuraga nehlelo. Leli hlelo limugogodlha wesitjhaba saKwaHlanga.





Readers

Izinga le 1-2

- Isomiso
- UNunu noBobo
- Abokamisa
- Ingoka esibayeni!
- UBongi nesiswebu
- UKwazi noKwekwezi
- Amawele alisizo
- Abentazana nembuzi
- Qophelela, Phephe
- Lihloma lihlabile
- UThabiso nokubutha
- Asongeni amanzi!
- Ingakwazi ukuphapha?
- UNdumi ufuna ukupenda
- Iinhluthu Ezikulu
- UPhilani ulimele
- Ithabo eplasini!
- UMelusi ufumana isimanga!
- UNobuntu umatasatasa!
- Ibhaji itjhugulukile

Izinga le 3

- UPhumi ojabulileko!
- Ubaba uzokubuya nini?
- Umlilo!
- Umulwana wezavukazana
- Angiyithandi imirorho!
- Abangani kibo boke ubujamo bezulu!
- Ithando lamawele
- Imidlhaji kaMonya
- Amanzi yoke indawo
- Irogo elihle
- Amanyathelo amatjha kaThobile
- Izungu lekosi likaNdlalifa
- UNtombi ubamba isela!
- UMoli namakerekere
- Umlimi uVele neenkhabu
- Amaqanda kaZodwa alahlekileko
- Isibhelani sikaKulani
- Umzombe wepilo
- UBuhle noThuthumbo
- Umdoko omnandi
- Isihlahla eselaphayo
- Isifiso sikaLindi siyafezeka
- Ukusiza ubamkhulu aphole
- UTjhudu ukwazi ukutjho isikhathi
- Umbono omuhle wakaHlelo
- Imbewu yesimanga
- Ikambiso yamaVenda
- Umdlali ophuma phambili
- Iinyosi
- Ibhohlo elahlekileko
- Indandatho gerhawuda
- Ingwenga enelunga
- USazi uphethwe mathumbu
- Imihlobo yeenthuthi
- Iziphohlo

Izinga le 4-5

- Ukunambitha ukudla kwesiVenda
- Ivakatjho lesiqhiwini seenlwana
- UGcina uzigcina aphilele!
- Umntazana okhaliphileko
- ISoweto
- Urhabele ini, Wenzile?
- Yikulu kimi!
- Isithomo esitjha
- Iinkunzi ziyazibuyisela
- Abesana abahlakaniphileko
- Ukuphilelwa
- Umthiji weemfesi
- Umulwana womgomani
- UMaVukuvuku idzinyani elinesibindi!
- Umraro engadini kagogo
- Ingathelo elihle
- Ibhudango lakaSizwile

ZENEX
FOUNDATION


MOLTENO
INSTITUTE FOR LANGUAGE AND LITERACY
EST. 1974



Ulwazi Lwethu yiprojekthi esungulwe beyasekelwa ngeemali yiZenex Foundation ukwenza umlandelane weencwadi zokufunda zamagreyidi nokufundela ukuzithabisa ngamalimi we-Afrika neensetjenziswa zokusekela abotitjhere. Le iprojekthi iqaliswe khulu ekufundiseni nekusekeleni abafundi besiGaba esisiSekelo ukuthuthukisa ukufunda nokuzwisisa ilimi labo lekhaya. Iincwadi zeendatjana lezi zitlolwe zisungulwe ngamalimi alithoba ngokubambisana kweMolteno Institute for Language and Literacies, iNelson Mandela Institute for Education and Rural Development, iRoom to Read South Africa neSaide. Zoke iinsetjenziswa zenziwe njengeensetjenziswa zefundo evulekileko (Open Education Resources / OER).

Please visit our website to download the full copy of this reader:
ulwazilwethu.org.za



Creative Commons Attribution-
NonCommercial-NoDerivatives
(CC BY-NC-ND) 4.0
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

